


SIUNNERSUUT

ILLOQARFIMMUT PILERSAARUT 4D2-2 - QUASSUSSUARM SISORARIARTARFIK, NUUK AGGUSTI – 2025



KOMMUNEQARFIK SERMERSOOQ

Sanarfinermut Avatangisinnullu Ingerlatsivik
Forvaltning for Anlæg og Miljø

KOMMUNIMUT PILERSAARUMMUT TAPILIUSSAQ SUNAAVA / ILLOQARFIMMUT PILERSAARUT?

Kommunimut pilersaarummut tapiliussaq tassaavoq ingerlaavartumik suliarineqartartoq, taamaattumik kommunalbestyrelse Pilersaarusiornermut inatsit naapertorlugu (Pilersaarusiorneq aamma nunaminertat atorineqartarnerat pillugit Inatsisartut inatsisissaannik Namminersorlutik Oqartussat nalunaarutaat nr. 4, 25. januar 2024-meersoq) pisussaavoq, kommunimut pilersaarut pisariaqartutigit malinnaatitsissalluni. Nutarterineq taanna ingerlanneqartarpoq kommunip pilersaarutaanut allannguutiniq pineqartunik imaluunniit pilersaarummut ilassutissanik nutartikkaniq ilanngussuarnikkut.

Kommunimut pilersaarummut ilassutip pigilerneratigit immikkoortup ilaanut pineqartumut najoqqutassatut aalajangersakkat allanngortinneqassapput, najukkamilu pilersaarutit pilersinneri taamaallaat immikkoortup ilaani immikkoortumut sukumiisumik aalajangersakkanut allannguissalluni.

Kommunalbestyrelse kommunimut pilersaarummut tapiliussamik imaluunniit illoqarfimmut pilersaarummik nunaminertamik atuinissamut sanaartukkanullu tunngasunik aalajangersagartalimmik sukkulluunniit suliaqarsinnaatitaavoq. Tassunga atatillugu Kommunalbestyrelse illoqarfimmut pilersaarummik sukumiisumik aalajangersagartalimmik pilersaarusiortussaataavoq:

- Nuna tamakkerlugu pilersaarusiornernup kommunillu pilersaarusiornernata piviusunngortinnissaanut qulakkeerinissaq pisariaqaraangat.
- Sanaartugassanik imaluunniit sulianut annerusunut pingaaruteqartunulluunniit nunaminertamik atugassiinnginnermi.
- Sanaartukkanik anginerusunik pingaaruteqarnerusunilluunniit isaterilinnginnermi.

Pilersaarummi uani tunngavigineqartut marluupput, **NASSUIAAT** aamma **AALAJANGERSAKKANUT TUNNGASUT**.

- **NASSUIAAMMI KOMMUNIMUT PILERSAARUMMUT** tapiliussami siunertat inatsisitigullu sunniutit aamma pilersaarut pilersaarusiornernut allanut sanilliullugu qanoq inissisimanersoq allaaserineqassapput.
- **AALAJANGERSAGARTAA AALAJANGERSAKKANIK** pilersaarummik piviusunngortitsinnermi malinnaatitsissutigineqartussanik imaqarpoq. Aalajangersakkat aalajangersakkanut pingaarnernut aamma aalajangersakkanut sukumiisunut avitaapput. Illoqarfimmi pilersaarutitut kommunimut pilersaarummi pingaarnertut najoqqutassatut aalajangersakkat allaqqapput. Aalajangersakkat tamarmik inatsisitigit pituttuisuupput, taamaattorli pissutsini immikkut ittuni, sumiiffimmut pilersaarummi aalajangersakkanit sukumiisunit immikkut akuersissummik tunniussisoqarsinnaavoq. Tamatuma saniatigit aalajangersakkat pillugit immikkoortoq inatsisitigit pituttuisunik ilanngussanik nunap assitaqarpoq.

TAMANUT SAQQUMMIUSSINEQ

Kommunimut pilersaarummut tapiliussap inaarutaasumik akuersissutigineqannginnerani kommunalbestyrelsimit tapiliussassatut siunnersuut tamanut nalunaarutigineqassaaq, taamaalillutik innuttaasut soqutiginnittullu allat pilersaarutip imarisaanik paasisaqarsinnaaniassammata immaqalu aamma pilersaarut pillugu oqaaseqaateqarsinnaallutik akerliussuteqarsinnaallutilluunniit. Tamatuma kingorna pilersaarutip inaarutaasumik akuersissutigineqannginnerani kommunalbestyrelsip akerliliissutaasinnaasut allannguutissatullu siunnersuutaasinnaasut nalilersussavai.

Una illoqarfimmut pilersaarummut siunnersuut 4D2-2 Quassussuarmi sisorariartarfik, piffissami **10. septembari – 22. oktobari 2025** tungaanut tusarniutigisassanngorlugu tamanut

saqqummiunneqassaaq. Oqaaseqaatit kingusinnerpaamik 22. Oktobari 2025 uunga nassiunneqassapput:

plan@sermersooq.gl

PILERSAARUT SUMI ATUARNEQARSINNAAVA?

Pilersaarut kommunip nittartagaani www.kp.sermersooq.gl-mi atuarneqarsinnaavoq, imaluunniit Sanarfinermut Avatangiisinullu Ingerlatsivimmut imaluunniit plan@sermersooq.gl-mut saaffiginninnikkut pilersaarut tunniunneqarsinnaavoq.

IMARISAI


1. NASSUIAAT	5
1.1 PILERSAARUSIORFIK	5
1.2 SIUNERTAT AAMMA TUNNGAVIIT	6
1.3 PISSUTSIT PIOREERSUT	7
1.4 PILERSAARUMMI PINGAARNERIT	14
1.5 PILERSAARUSAIMUT ALLANUT TUNNGATILLUGU PISSUTSIT	28
1.6 PILERSAARUMMUT TAPILIUSSAP INATSISITIGUT ATUUFFII	29
2. AALAJANGERSAKKAT	31
3. AKUERSISSUTEQARNERMI ATSIORNERIT	37
4. ILANNGUSSAT	38

1. NASSUIAAT

1.1 PILERSAARUSIORFIK

Immikkoortup ilaa 4D2 kommunimut pilersaarummi sukisaarsaarfittut atugassiissutigineqarpoq Quassussuup qaqqaa ilaattut aamma 150 ha missaattut annertussuseqarpoq. Immikkoortoq Quassussuup kimmuit sinaanit qummut Eqalugalissuit Tasiata qaavanut qaqqap 450 meterisut portussusillit tungaanut isorartussuseqarpoq.

Immikkoortoq pilersaarusiorfigisaq qitusoqarfiup 3C9-p kitaata tungaanut killeqarpoq, taanna Nuummi nunanit tamalaanit mittarfimmut aamma teknikkeqarnermut attaveqaasersuutinullu atortulersuutinit immikkoortumut 3E5 tapertaavoq, tassaniippoq Nuummi nunanit tamalaanit mittarfik. Immikkoortup avannamut killeqarfigaa inuussutissarsiorfik 4B10, avannamut-kangimut kujammullu nuna sanaartorfiunngitsoq 4D11, aamma immikkoortoq kangimut teknikkeqarnermut atortulersuutinit attaveqaasersuutinullu immikkoortumut 4E6-imut killeqarpoq, taassuma ilaanniippoq taseq illoqarfiup imissaqartinneqarneranut atorineqartoq. Immikkoortoq pilersaarusiorfigisaq 4E6-ip tungaanut killeqarfia, imeqarfinnut killeqarfiit inissisimanerinit ilusaannullu aalajangersakkat atuupput.



Takussutissiaq 1 – immikkoortup ilaata killeqarfii aamma taassuma eqqaani immikkoortut ilaat

1.2 SIUNERTAT AAMMA TUNNGAVIIT

Immikkoortup ilaani sammisallit amerlasuut immikkoortumi assigiimmi suliaqartuupput, tamatuma nassataanik aqqissuussaanermik tamakkiisumik pilersitsinissaq pisariaqartinneqarpoq immikkoortup ilaani piujuartitsilluni ineriartortitsineq qulakkeersinnaajumallugu. Illoqarfiup ilaanut pilersaarut immikkoortup ilaata sukisaarsarfittut atuuffiit qitusoqarfiattut ineriartortinneqarneranut tapersersuutaassaaq taamatullu Kuanninnguani sukisaarsaarfinnut suliniutinut atasumik sammisatut sulianut, aamma mittarfiup eqqaani immikkoortunik ineriartortitsinermut tapersersuissaaq. Matumani neriuutigineqarpoq tamanut angallassissutit atorlugit immikkoortoq tikikkuminarnerulissasoq, taamaaliornikkut immikkoortup sunngiffimmi sammisanik ingerlatsiviunissaa ilanngullugu tapersersorneqassaaq.

Illoqarfiup ilaanut pilersaarut qulakkeerineqataavoq immikkoortup piusup ukioq kaajallallugu siammasinnerusumik atorneqarnissaanut, tamanna ullumikkut ukiuunerani timersuutininik soorlu sisupiloornernut aamma qamuterallannik angalaarnernut pingaarnertut atorneqartarpoq. Illoqarfiup ilaanut pilersaarutikkut kissaatigineqarpoq immikkoortup atuuffiata pitsanngorsarnera najukkami sunngiffimmi sammisanut katersuuffittut, saniatigut nunaannaq, pinngortitamik illersuineq aamma piujuartitsilluni nunaminertamik atuineq eqqarsaatigineqassapput.

Illoqarfiup ilaanut pilersaarutikkut peqatigiiffiit illuutaasa atajuartumik inissisimanerat qulakkeerneqassaaq. Taamaaliornikkut immikkoortumi ataatsimi peqatigiiffiit illuutaat atajuartut pilersinneqarsinnaapput taakkua tikinneqarsinnaanerannut aamma biilini inissiiviit pitsaanerusut atuutilerpata, biilini inissiisarfik piosuq allilerneqarpat.

Pilersaarummi siunertat tunngaviillu

Illoqarfiup ilaanut pilersaarutip siunertaraa,

- Qulakkiissallugu, immikkoortup kajungernartuunera, sukisaarsarfiunera ukiup qanoq ilinera aamma sunik aallussiffiusinnaanera apeqqutaatinngit sammisanut inissaqartitsisinaaneq.
- Immikkoortoq peqatigiiffiit illuutaannut atuuttoq siunissamut qulakkeerneqassaaq, taamaaliarluni peqatigiiffiit amerlanerit immikkoortumi pilersitsisinaaqullugit kiisalu immikkoortup tikiffigineqarsinnaanera pitsanngorsaqqullugu.
- Biilini inissiisarfip allilerneqarnissaanut periarfissiineq, immikkoortortamut tikikkuminarneruleqqullugu sammisanillu peqataalluni.
- Sisorarfiit siunissami ingerlanneqarnera alliliinissamut periarfissaaq aqqutigalugu qulakkeerneqassaaq.
- Quassussuup qaava tikikkuminarnerulersinneqassaaq majuartaammik issiavittalimmik kaffisorniarfimmillu pilersitsinikkut.
- Immikkoortumi nunaminertat sumut atorneqarnissaasa erseqqissarnissaannik qulakkeerineq, nunaannaap aamma immikkoortup pinngortitaassusiata nalingi eqqarsaatigalugit.

1.3 PISSUTSIT PIOREERSUT

Immikkoortoq pilersaarusiortiusoq immikkoortunik sanaartorfiunngitsunik avatangiiseqarpoq aamma Nuuk illoqarfiata kiisalu ulluinnarni nunap timaanik taagukkap akornanni inissisimavoq. Taassuma saniatigut immikkoortoq pilersaarusiortifigineqartoq tassaavoq timmisartumik Nuummumut tikikkiartornermi takusassaq siulleq, immikkoortup mittarfimmut killeqarnera pissutigalugu.



Takussutissiaq 2 - Immikkoortup ilaanit 4D2 illoqarfiup tungaanut isikkivik



Takussutissiaq 3 - Immikkoortup ilaanit 4D2 nunap timaanut isikkivik

Immikkoortumi pilersaarusiortiusumi Sisorarfiit atortulersuutaat, peqatigiiffiit illui peqatigiiffillu sammisaannut tunngasut immikkoortumiipput, aamma illu kioskitut siunertanut atuuttoq. Immikkoortoq pilersaarusiortiusoq manna tikillugu sisorarluni timersuutitut atornerarpoq, tamanna Sisorarfiit majuartaataata qitiusumik kiisalu taassuma eqqaani sisorartartut peqatigiiffiisa qamuteralattartullu peqatigiiffiata inissisimanerisigut takuneqarsinnaavoq. Immikkoortumi Quassussuaq qummut sinerlugu majuartaat inissisimavoq aamma Quassussuup qaavaniipput telep napparussui issiaartarfillu, taakkua immikkoortumut pilersaarusiortiusumut ilaanngillat. Immikkoortup sinnera annermik attorneqarsimanngilaq.



Takussutissiaq 4 - Peqatigiiffiit illuutaat aamma Sisorarfiit




Takussutissiaq 5 - Immikkoortumi sisoraatiniq timersorfiit

Immikkoortoq pilersaarusiortifik immikkoortup ilaata 3C9-p killinganiinnara eqqarsaatigineqassaaq. 3C9-mi nunaminertat mittarfimmut tunngasumik inuussutissarsiuutinut atugassiissutigineqarsimapput aamma nunaminertat ilaat hotelitut ingerlatsinerit siunertaralugit atugassiissutigineqarput. Immikkoortumut qanittumi hotelit immikkoortup takornarianit

amerlanerusunit ornigarneqarneranik nassataqassaaq. Taamaattoq immikkoortoq pilersaarusiorfigisaq ineriartortinneqassaaq najukkami innuttaasunut sunngiffimmi sammisassanut, immikkoortup atorneqarnerata annertunerulerneranik naatsorsuutigisat eqqarsaatigalugit.

IMMIKKOORTUP EQQAANI ATUUFFIIT PIUSUT

Atuuffiit pingaarnertut aqqusinermi Aqisseqarajoormit aallaaveqarput. Immikkoortumiipput nunanit tamalaanit mittarfik, sisorarfiit, inuussutissarsiutit mittarfimmut attuumassuteqartut taakkununga ilanngullugu hoteli, sukisaarsarfittut atuuttut, sunngiffimmi sammisaqartitsivik aamma biilnut inissiiffik. Immikkoortumiipput sukisaarsarnermi atortulersuutit arlallit, taakkununga ilanngullugit pisulluni aqutissat, sisorarluni aqutissat, kajakpolortarfik aamma qamuteralaat nunap timaanut anillattarfiat.



 <i>Mittarfik</i>	 <i>Sukisaarsarfittut atuuttut</i>
 <i>Sisorarfimmi majuartaatit</i>	 <i>Sunngiffimmi sammisassaqtitsivik</i>
 <i>Inuussutissarsiutit mittarfimmut tunngasut ilanngullugu hoteli</i>	 <i>Biilnut inissiiviit</i>

Takussutissiaq 6 - Immikkoortup eqqaani atuuffiit piusut

SANAARTUKKAT

Immikkoortoq pilersaarusiorfiusoq illuliaagallartunik imaqarpoq tassaasunik containerinit katitikkanit peqatigiiffiit illui, Sisorarfiit toqqorsivia aamma sisoraatinik attartornermi atortulersuutit. Peqatigiiffiit illuutaannik pigisalinnit aamma Sisorarfinnit kissaatigineqarpoq containerit katitikkat aaqqiissutitut atorunnaarlugit illunik atuuttuartsanik pilersitsinissaq.



Takussutissiaq 7 - Peqatigiiffiit illuutaat



Takussutissiaq 8 - Sisorarfiit toqqorsivia



Takussutissiaq 9 – Sisoraatinik attartornermi atortulersuutit

Immikkoortoq pilersaarusiorfiusoq illunik atuuttuartsanik aamma imaqarpoq tassunga ilaallutik Sisorarfiit ingerlatsinermut illuutaat kiisalu illu kioskitut siunertalik. Illu Sisorarfinnik ingerlatsinermut atuuttoq immikkoortumi ersarinnerpaajuvoq. Illu piffissap ingerlanerani allilerneqartarpoq, tamanna katitikkatut isikkoqarneranut ersiutaavoq. Illu tamakkerluni

assigiimmik qalligaavoq qalipaateqarlunilu, taamaattumik illu piffissanit assigiinngitsunit katitigaagaluarluni imminut atasutut isikkoqarpoq.

Illup ilaatigut imarai illiniliuutunut angisuunut inissiivik, illup angissusianut ilaatigut pissutaaqataasoq. Taakkua saniatigut illumiipput kaffisorniarfik, sisoraatinik attartortitsineq allaffissornerlu.

Sisorarfiit tallissutaanniippoq kioski.



Takussutissiaq 10 – Majuartaammik ingerlatsinermut illu saamimmi aamma illu kioskitut atuuttoq talerpimmi.

Immikkoortumi inissisimavoq illu maqitsivik aamma majuartaatit illutaat, taakkua majuartaammik ingerlatsinerup ilaattut atuupput. Illu maqitsivik aamma majuartaatit illui tamarmik assigiimmik angissuseqarput isikkoqarlutillu, taamaaliorluni atuuffiisa ilisariuminernerat qulakkeerneqarpoq, immikkoortup ilisarnaataanut sunniuteqaqataallutik angissutsit atortullu atorneqartut aqutigalugit.



Takussutissiat 11 aamma 12 - Saamimmi maqitsivik talerpimmi Sisorarfiit illutaat.


Ullumikkut Eqalugalissuit Tasiata eqqaaniippoq sanaartugaq mikineq taanna aasakkut Nuuks Internationale Friskolemit atuartitsinermut atorneqartarpoq. Illut namminerisamik sanaartukkatut isikkoqarput.



Takussutissiaq 13 - Tatsip sinaani illu

NUNAANNAQ

Immikkoortup pilersaarusiortfigineqartup nunataata Quassussuup qaqqaaaniinneranut erseqqissumik takussutissaqarpoq aamma taamaattumik nunaannaap appasinnerpaaffianit qatsinnerpaaffianut assigiinngissut 330 meteriuvoq. Illunik teknikkikkullu atortulersuutinik sanaartormi nunaannarmik aqqissuussinerit ingerlanneqarput, sinnerani nunaannaq atorneqarsimanngitsutut isikkoqarpoq.



Takussutissiaq 14 – Nunaannaap takussutisarineqarnera illu piusoq qasertoq ilanngullugu



Takussutissiaq 15 – Nunaannaap takussutisarineqarnera, immikkoortoq pilersaarusiortfik qernertumik qalipaateqarpoq

Qaqqap ataaniippoq Eqalugalissuit Tasiat. Ukiukkut taseq qerisarpog taamaattumik pisuffigineqarsinnaalersarpog, immikkoortumi nunaannaq maniitsuugaluartoq manissukujuunngortarpog.

Ullumikkut Eqalugalissuit Tasiat immikkoortumi sukisaarsarfittut pingaarutilittut atorluarneqartutullu inissisimareerpog - ukioq qanog iligaluarpalluunniit. Aasaanerani taseq ilaatigut kajakpolomut atorneqartarpog, ukiukkut sikugaangat qamuteralannik sungiussivissimanngitsunut sungiusarfittut isumannaatsut killissanik ikkussuilluni atorneqartarpog.

Taamannak assigiinngitsunik atuuffeqarnerata erseqqissisippaa immikkoortup ukioq kaajallallugu ornitassatut ilippanassuseqarnera, aamma illoqarfiup ilaanut pilersaarummi anguniakkanut pissusissamisoortumik naatsorsuutigineqarsinnaasog taamatullu ukiup qanog ilinera apeqqutaatinnagu sukisaarsarfittut atorneqarsinnaanera tapersersorneqarsinnaavog siunissamullu qulakkeerneqarluni.



Takussutissiaq 16 – Eqalugalissuit Tasiat aasakkut



Takussutissiaq 17 – Eqalugalissuit Tasiat ukiukkut

Immikkoortumi nunaannaq atorluarneqarsinnaavoq qaqqap qaavani peqatigiiffiit illuannik pilersitsinikkut, tassannga peqatigiiffiit periarfissaqassapput ilaasortamik sisorarnerannik piffissamik uuttuissallutik. Ullumikkut piffissamik uuttortaanermut atortulersuuteqanngilaq, tamanna isumaqarpoq sisorartartut piffissaq sisorarfitsik uuttortarneqassatillugu peqatigiiffiit illuannut attuumassuteqartariaqarnerannik.



Takussutissiaq 18 – Peqatigiiffiit illuannit illinernut sisorarfinnut isikkivik

ANGALLANNEQ

Immikkoortoq Aqisseqarajuumut aqqusineq atorlugu aqqusineeqqamit orninneqarsinnaavoq. Nuummi Mittarfik Aqisseqarajooq atorlugu aamma tikinneqarsinnaavoq. Immikkoortumut attaveqaat pingaarneq biilit bussillu atorlugit pisarpoq. Piffissami sisorarfiusinnaasumi biilnut inissiiviit piusut inissaqartitsinerat qaangerlugu sippulimmik atorneqartarpoq, aamma taamaattumik aqquserngup sinaani biilnik uninngaartoqartarpoq. Immikkoortumut alakkarterisut amerlasuut namminneq biilitik atortarpaat, sukisaarsaarutitut sammisanik ingerlatsissatillutik atortuminnik nassartaramik.

Air Greenlandip allaffeqarfiata eqqaani bussit unittarfeqarput aqqusineeqqap naqqata eqqaani, ataani nunap assingani aappaluttumik nalunaaqutseqqavoq.



Takussutissiaq 19 – Immikkoortup ilaani bussit unittarfiat

1.4 PILERSAARUMMI PINGAARNERIT

SOQUTIGISAQAQATIGIINNIK PEQATAATITSINEQ

Illoqarfiup ilaanut pilersaarummik matuminnga suliaqarnermi soqutigisaqaqatigiinnik assigiinngitsunik peqataatitsisoqarpoq. Innuttaasut aamma sunngiffimmi suliniaqatigiiffiit ataasiakkaat immikkoortumi pilersaarusiortiusumi inissisimareerput imaluunniit sunngiffimmi suliniaqatigiiffiit piffissami ungasinnerusumi immikkoortumiissinnaasutut eqqarsaatigineqartut, immikkoortup pilersaarusiortigineqartup timi atorlugu sunngiffimmi sammisanut qitusoqarfittut ineriartortinneqarnera pillugu namminneq isiginnittaatsiminnik saqqummiussinissamut periarfissinneqarput.


Soqutigisaqaqatigiinnik peqataatitsineq immikkoortunut marlunnut avillugu suliarineqarpoq:

- Sunngiffimmi suliniaqatigiiffinnut workshopertitsineq immikkoortup ineriartortinneqarneranut takorluukkat pingaartinnerullugit.
- Innuttaasunik apersuineri immersugassaq nittartakkami Kommuneqarfiga iserfigalugu, immikkoortup atorineqarneranut tunngasut

Isummersuutit ilanngussallu suliaq ingerlanerani tiguneqartut pissarsiffiilluarsimapput, sapinngisamillu naapertuutillugulu illoqarfiup ilaanut pilersaarummi matumani ilanngullugit suliarineqarput.



Takussutissiaq 20 - Sammisalinnut




Takussutissiaq 21 - Kommuneqarfiga aqutigalugu apersuineri immersugassaq

SAQQUMMIUSSINEQ

Immikkoortup ukioq kaajallallugu atorneqarsinnaanera tapersersorniarlugu kiisalu nunaminertamik atuineq pitsanngorsarniarlugu peqatigiiffiit illuat piosuq kujammut inissisimasuq Eqalugalissuit Tasiata sinaanut inissinneqassaaq. Nuussinikkut peqatigiiffinnut atorulersuutit imermut qanittumut inissinneqarsinnaanerat periarfissaalissaaq, tamanna tatsimi sammisanut soorlu kajakpolornermut aamma nalunnguarnermut pitsanngorsaataassapput. Peqatigiiffiit illuisa ataatsimoortillugit inissinneqarnerat aamma peqatigiiffiit atuisullu inooqatigiinnikkut aaqquissuusaanikkullu sunniivigeqatigiissinnaanerannut tapertaassaaq. Sammisat sumiiffimmut ataatsimut katersuunneqarnerat ataatsimoornermut, ilisimasanik avitseqatigiinnermut assigiinngitsunillu atuisut naapeqatigiissinnaanerannut periarfissanik pilersitsissaaq. Immikkoortup atuuffianik pitsanngorsaaqataassaaq ukioq kaajallallugu katersuuffittut eqeersimaarfiusutut peqataatitsisutullu.

Immikkoortup sanianiittup 3C9 sanaartorfissagissarneqarneranut atasumik, immikkoortup ilaanut pineqartumut aqqusineq allanngortinneqassaaq aqqusineeqqamit aalajangersimasumik naaffilimmit aqqusinnermut tamakkiisumut. Tamatuma ilaatigut kingunerissavaa immikkoortup ilaani matumani pineqartumi biilnut inissiiviit aqquserngup nutaap ingerlaffianut ilanngunneqassasut. Taassuma taartissaatut biilnut inissiivik allilerneqassaaq. Peqatigiiffiit illuanik nuutitsineq qitiusumi nunaminertap atorneqarunnaarnerani kinguneqassaaq, taanna siunissami biilnut inissiiviup piusup allilernissaanut atugassiissutigineqassaaq. Taamaaliortoqassaaq immikkoortup ukioq kaajallallugu atorneqarsinnaasutut ineriartortinneqarnera ilutigalugu, immikkoortumut orniguttartut atuisullu amerleriaatissaattut naatsorsuutigisat naaperiarniarlugit. Biilnut qimatsivimmit majuartaammut, peqatigiiffiit illuinut, tatsip sinaanut aammalu ilorpasinnerusumi qaqqanut toqqaannartumik attaveqarpoq. Qitiusumik inissiineq tikikkuminartuuneranut pitsanngorsaataavoq aamma ukiukkut aasakkullu sammisanut orniguttunut agguataarineq pissusissamisoortoq tapersersorneqassaaq. Biilnut inissiivik immikkoortumukarnermi tikiuttarfittut ataatsimoorussatut atuutissaaq aamma atuisunut, alakkarerisunut peqatigiiffiillu sammisaqartitsineranni naapittarfittut atuutissaaq.



Bililnik inissiisarneq

Peqatigiiffiit illui

Takussutissiaq 22 - Immikkoortup eqqaani atuuffiit piusut

PEQATIGIIFFIIT ILLUISA NUTAAT EQQAANNI TUNNGAVIGISAT

Immikkoortoq peqatigiiffiit illuinik nutaanik imalik ilusilersorneqassaaq atuuffik ataatsimoornerullu siuarsarneqarnissaat siunertaralugit. Peqatigiiffiit illui eqimattakkuutaannguanut aaqqissuunneqassapput, illut inissisimani pingasoqiusamik sammiveqartillugit majuartaammut, qaqqamut tatsimullu. Peqatigiiffiit illuinut pingaartinneqarput illut akornanni silataasa ataatsimoorussaanissaat peqatigiiffiit assigiinngitsut akornanni ataqatigiinnermik pilersitsisoqaqullugu. Illut eqimattakkuutaat akornanni ataatsimoorluni silamiiffissanik pilersitsisoqassaaq, taakkua ikaarsaariarfittut aamma katersuuffittut atuutissapput, aamma peqatigiiffiit assigiinngitsut akornanni naapeqatigiinnermut, suleqatigiinnermut ataatsimoorlunilu sammisaqarnemut tapersersuutaassapput.


Taamannak aaqqissuussamik pilersitsinermi avatangiisit tamatigoortut inooqatigiinnermillu eqqarsartaaseqarneq aallaavigineqarput, peqatigiiffiit nalerisimasumik ingerlasinnaaqullugit immikkoortup ukioq kaajallallugu sammisaqartitsivittut ineriartortinneqarnerata ilutigisaanik. Nunaminertat ataatsimoorussat illut akornanni ilanngunneqartut uninngaarfissatut aamma atorussaasivittut, aaqqissuussinernut mikinerusunut aamma silami atuartitsinermut atorneqarsinnaapput. Nunaminertat ataatsimoorussat inaalitsivittut atorneqarnissaat eqqarsaataanngilaq



Takussutissiaq 23 – Peqatigiiffiit illui eqimattannguit ataatsimoorussamik

Immikkoortoq peqatigiiffiit illuinik imalimmi sanaartukkat modulikkaartut tunngavigineqassasut eqqarsaataavoq, peqatigiiffiit illui ataasiakkaat imminnut tullerriaatut inissinneqarlutik sanaartukkatut ataatsimoorutut isikkoqaqqullugit. Peqatigiiffiit illui ataasiakkaat modulit 3 aamma 6 akornanni imminnut tullerriaattumik suliarineqassapput. Peqatigiiffiit ataasiakkaat peqatigiiffiit illuinik modulini 1 - 6-inut peqarsinnaapput, peqatigiiffiit ataasiakkaat pisariaqartitaat apeqqutaalluni. Tamatigoortumik aqqissuussineq taamaattoq aqqutigalugu peqatigiiffiit nunaminertamik aamma sammisaminnut atortulersuutini naleqqussaasinnaaneranunt periarfissiisaaq, immikkoortup titartaasartunit ataatsimoorutut ilusilersorneqarnerannut ajoqutaanngitsumik.

Modulit ilusaasa inissisimanerisalu qulakkiissavaa, immikkoortup assigiissaartumik imminnullu tulluurtumik isikkoqarnera - peqatigiiffiit illuisa ataasiakkaat assigiinngisitaartumik angissuseqarnerat apeqqutaatinnagu. Taamaaliornikkut takuneqarsinnaasup assigiissaarneqarnera aamma nunami qiviagaq eqqissisimanartuussaaq pigiinnaqassapput. Ilanngullugu sanaartukkat ataatsimoortumik inissisimanerat peqatigiiffiit akornanni inooqatigiinnermut aamma aaqqissuussaanikkut ataatsimooqatigiinnut tapersersuutaassapput qanilaassutsimik, naapittarfinnik pissusissamisoortunik aamma atortulersuutinik avitseqatigiinnissamut periarfissaqartitsisut.



Takussutissiaq 24 – Peqatigiiffiit illuat modulikkaartumik suliaq, peqatigiiffinnit

Peqatigiiffiit illui modulikkaartut angissutsit sulisartut ineqarfiisa containerit aalajangersimasumik uuttuutaat aallaavigineqarput, taamaaliornikkut peqatigiiffiit periarfissinneqarput - kissaatigineqarpat - peqatigiiffiit illuinut modulit immikkoortunik sanaartorneqareersimasunik atugaqarsinnaasut. Taamannak periuseqarneraq peqatigiiffiit akornanni amerliartuinnartut containerinik atugaqarnerannut ileqquliunneqariartortumut assinguvoq, taamannak aaqqiineq eqaatsuuvog akilersinnaallunilu, aamma illoqarfiup ilaanut pilersaarummi pisariaqartitsineq taanna naaperiarneqarpoq saqqummiussinermi tamakkiisumi modulit uuttuutaasa eqqarsaatigineqarnerisigut.

Taamaattoq peqatigiiffiit illuisa modulikkaanut containerinik atugaqarneraq suliarinissaannut naleqqussarnissaannullu immikkut piumasaqaatitaqarpoq, pingaartumik illut saqqaat aamma atortunik toqqaaneq eqqarsaatigalugit. Immikkoortup peqatigiiffiit illuisa inissisimaffiata ilivitsutut immiut tulluurtumik isikkoqarnissaa qulakkeerniarlugu, modulit tamarmik - qanorluunniit pilersillugit suliareqqaarneqarsimagaluarpata - qallersorneqassapput ilusilersorneqarlutillu immikkoortup ataatsimoortumik isikkoqarnera ataqatigiissuuneralu eqqarsaatigilluarlugit. Tamanna isumaqarpoq, containerit qisunnik sallilikkaniq qallersorneqassasut, immikkoortup tamakkiisumik isikkuanut pissusissamisoortumik isikkoqarsinnaaqullugit.

SISORARFIIT ALLAFFEQARFIATA ALLINEQARNISSAANUT TUNNGAVIGISAT

Siunissami sisorarfimmik ingerlatsinerup atuussinnaaneralu qulakkeerneqarnissannut pisariaqartitsinerit naaperiarniarlugit, sisorarfinni illup allaffissornermut aamma kiffartuussinermut atorneqartup allilerneqarnissaanut sanaartorfissamik atugassiisoqassaaq. Alliliinikkut piginnaassutsip annertusineqarnissaa periarfissaalissaaq aamma atuisunut atortulersuutit kiffartuussinermilu atuuffiit naapertuuttumik agguataarneqarnerat qulakkeerneqassaaq.

Illu kangimut 5 meterinik, avannamut 9 meterinik aamma kujammut 15 meterinik allineqarsinnaavoq. Illup saqqaa kimmut tallineqassaaq garageatut ingerlatsinermilu atortunut atortulersuutitut attuumassuteqartut, tamanna teknikkikkut atortunut aserfallatsaaliuinemullu eqqarsaatersuutitut naapertuuppoq. Alliliinermi illumut piusumut naleqqussaasoqassaaq aamma maannakkut atuuffiup tallissutaatut inissinneqassaaq atortulersuutit ataatsimut katinnerannik eqqarsaatersorneq pitsaassutsimillu isumaliutit qulakkeersinnaajumallugit. Kioskip isaterneqarneratigut sisorarfimmi illu allaffittut kiffartuussivittullu atorneqartoq allileqqinneqarsinnaavoq, ataani nunap assingani titarneq kittoraqattaartoq takuuk.



Takussutissiaq 25 – Sisorarfimmi illu allaffittut kiffartuussivittullu atorneqartup

Immikkoortumi peqatigiiffiit illuisa inissisimaffiini piffissamik uuttortaammik ataatsimoorussamik inissiisoqarsinnaanera eqqarsaatigineqarsinnaavoq, taanna immikkoortumi ukiuunerani timersuutitik ingerlatsinermi atorneqartassaaq. Siusinnerusukkut sisorartartut peqatigiiffii namminneq illuutiminna piffissanik uuttortaatinik peqartarput, kisianni inissiivissat nutaat nassataannik peqatigiiffiit illuinit sisorarfinnut isikkiveqarunnaassapput.

Taamaattumik tassunga atasumik piffissamik uuttortaammik ataatsimoorussamik inissiisoqarsinnaavoq sisorarfiit allaffeqarfiani atortunik taarsiinermut atasumik. Piffissamik

uuttortaamik inissiinikkut sisorartarfiit tungaanut toqqaannartumik akornusersorneqanngitsumillu inissiisoqarnissaa qulakkeerreqassaaq, aamma ima ilusilerneqassaaq peqatigiiffinnit aamma atuisunit peqatigiiffinnut ilaasortaanngikkaluartunit atorneqarsinnaanngorlugu. Taamaaliornikkut atortulersuutit amerlanerusunit tikiqqarsinnaanerit atorneqarsinnaanerallu qulakkeerreqassaaq - assersuutigalugu unamminernik ammasunik, sunngiffimmi sammisanik aamma pikialaartitsinernik aqqissuussinikkut.

ANGALLANNEQ AAMMA BIILINIK INISSIIVEQARNEQ

Immikkoortup eqqaani immikkoortup ilaani 3C9 sanaartorfissagissaanermut atatillugu immikkoortumut aqqusinermik pilersitsisoqassaaq. Siusinnerusukku immikkoortoq Aqisseqarajooq aqqutigalugu aqqusineeqqakku tikiqqarsinnaavoq, aqqusineeraq taanna 3C9-mik sanaartorfissagissaanermut atasumik aqqusinivinngortinneqassaaq Illerngit 2001-mut atasunngorlugu.




Aqqusineq pioreersoq



Siunissami aqqusinissaaq

Takussutissiaq 26 - Aqqusineq piusoq siunissamilu aqqusinissaaq

Biilnut inissiiviup allineqarneratigut biilerlutik orniguttunut periarfissat pitsaanerulissapput, immikkoortup sunngiffimmi sammisanut atorneqarnera tunngavigalugu biilnut inissiiviit angissusiat eqqarsaatigineqarmata. Atortunut nassatanut inissamik pisariaqartitsineq naaperiarniarlugu - soorlu sisoraatit qaannat - biilnut inissiiviit silittunngorlugit ilusilerneqassapput, inissiivinnit nalinginnaasunit 50 cm.-inik anginerusunngorlugit, tamanna niooqqaanermi issoraanermilu periarfissanik pitsaanerusunik pilersitsissaaq.



Takussutissiaq 27 – Allermi biilnut inissiivik nalinginnaasoq aamma qullermi biilnut inissiivik silinneq


Immikkoortup saniliani immikkoortumi 3C9 inuussutissarsiutit mittarfimmut tunngasut pilersaarutigineqarput, tamaani biilnut inissiivinnik allanik pilersitsisoqassaaq. Taamaaliorneq immikkoortumi pilersaarusiortigineqartumi biilnut inissiiviit pingaarnerit pilerngunneqarsinnaaneranut iluaqutaassaaq taamatullu immikkoortumi aqqusinikkut ingerlannerup oqimaaqatigiinneruneranut tapertaalluni.

Bussit unittarfiat qaninneq immikkoortumut pilersaarusiortigineqartumut aqqusineeqqap isaariaata eqqaanniippoq. Illoqarfiup ilaanut pilersaarummi bussit unittarfiannik nutaamik pilersitsinissaaq periarfissaavoq biilnut inissiivinnut aamma immikkoortoq tamaat aqqusaarlugu aqqusinermut atasumik. Bussip unittarfia taamaattoq immikkoortumi kikkut tamarmik aqqusinermik angallannerannik sullissinerannut pitsanngorsaataassaaq, aamma hotelimi najugaqartut atuisullu allat Nuup illoqarfianukarnissaannut pisariaqartitaannut iluaqutaassaaq.



Takussutissiaq 28 – Siunissami bussit unittarfiata inissisimaffissaanut siunnersuut aamma atuuffiit tassannga iluaquteqartut

Immikkoortoq pilersaarusiortiusoq aqqissuunneqassaaq aqqusinermik angallattut pisinnaat pingaartinnerullugit. Pilersaarusiortiusup iluani aqqusineeqqat imminnut atassutillit pilersinneqassapput taakkua qitiusumik atuuffinnut soorlu biilnut inissiivinnut, peqatigiiffiit illuinut, tatsip sinaanut, majuartaammut, hotelinut, mittarfimmut aamma qaqqap tungaannut atassuteqassapput. Aqqusineeqqat toqqissisimanissaq pitsaasumillu sumiiffissiorsinnaaneq pingaartillugit ilusilerneqassapput, aamma aqqusinermi motorillit ingerlaarnerannit illuarsimatinneqassapput isumannaatsumik angalaarsinnaaneq pinngortitamiittutullu misigisimasarnissat siuarsarniarlugit.



Takussutissiaq 29 – Aqqusineeqqat atuuffinnut assigiinngitsunut atassutillit


QAAVANI KAFFISORNIARTARFIMMUT TUNNGAVIGISAT

Illoqarfiup ilaanut pilersaarummi Quassussuup qaavani kaffisorniararfimmik kiisalu majuartaat issiavittalimmik taakkunungalu atortulersuutit pilersinneqarsinnaapput. Illut inissisimaffii eqqaani nunap pissusianut naleqqussarsimapput qaqqap issusianut minnerpaamik aserortersinnaajumalluni aamma isigisinnaasamik minnerpaamik sunniumalluni. Kaffisorniararfimmi aamma majuartaatip issiavillip qaqqami unittarfia nunami salliannartani inissinneqassapput, taakkua toqqarneqassapput nunap piusup issusiata piumasaqaatai tamanilu isikkivik aallaavigalugit toqqaanikkut. Kaffisorniararfik aamma majuartaatip issiavillip qaqqami unittarfia imeqarfimmut killeqarfiup ungasinngisaani inissinneqarput aamma killeqarfiup taassuma ataqqineqarnera pingaaruteqarpoq. Kaffisorniararfimmut aamma majuartaatip issiavillip qaqqami unittarfianut pilersuisuusinnaasut imeqarfimmut killeqarfiup avataani pilersinneqassapput.

Quassussuup qaavata eqqaani kaffisorniararfimmik aamma majuartaatip issiavillip qaqqami unittarfianik inissiinerit isikkivinnit assigiinngitsunit takuneqarsinnaapput - Quassussuup aamma Ukkusissap qaavanit, Nuummumik mikkiartornermi kiisalu Nuussuup ilarujussuanit aamma Nuummi illoqarfiup qeqqanit. Taamatut aalajangiisoqartillugu sanaartornerup illuliortaatsikkut suliarilluagaanissaanut aamma nunami torrallatamik inissinneqarnissaannut akisussaaffimmik nassataqarpoq.



Illu qaqqaq ammut sinnerlugu suliaavoq, nunap qaavanit sukarsuarnik tunngalluni inissisimaneratigut



Sanaartugassap atortuinik isikkivinnit toqqaanermi qaqqamut tulluarsaasoqarpoq




Sanaartugassaq illuliortaatsikkut qaffasissumik pitsassuseqarpoq



Sanaartugassaq nunaannarmut naleqqussarsimavoq aamma ilutsimini tassunnga tulluartaulluni

Takussutissiaq 30 – Quassussuarmi kaffisorniararfimmik titartaanermi isumassarsiffiusut

Majuartaatip issiavillip aamma kaffisorniarfariup inissisimaffiisa qulakkeerpaat, ilusilersuinermi atortut sapinngisamik minnerpaamik takuneqarsinnaanerit - pingaartumik Quassussuup avannaanit kangianiillu isigalugu, tassannga nunap timaanut isikkiveqarpoq. Taamannak periuseqarnikkut qaqqap ilusianik attassiinnarnissamik aamma misigisassat pitsaassusissaannut kissaatigisat tapersersorneqarput, saniatigut ukioq kaajallallugu uninngaarfissanut, isikkivilimmiiffissanut sammisassanullu periarfissiisoqarpoq.




Takussutissiaq 31 – Majuartaatip qummut tikissinnaasaanit, saamimmi kaffisorniarfik, talerpimmilu Sermitsiaq tunualiaqutaralugu Quassussuup qaava 3D-mik saqqummiullugu

NUNATAQ AAMMA SANAARTORFIUNNGITSUT

Illoqarfiup ilaanut pilersaarummiippoq nunaannaq annertungaatsiarfoq, tamanna annermik qaqqaaavoq, tatsip sinaa aamma sukisaarsarfittut atuulluarnut. Immikkoortoq nunaannarmi anersaartorfittut sulit atuutissaaq sunngiffimmi sukisaarsarnermilu sammisanut inissaqartitsisoq - aqqissuussanut aqqissuussaanngitsunullu - aamma pinngortitap pitsaqaataasa piujuarnissaat illersorneqarnissaallu tunngaviummik anguniagaavoq.

Taamaattumik illoqarfiup ilaanut pilersaarummi sanaartugassanut aamma atortulersuutitut nunaminertat erseqqissumik siunertallit kisimik atugassiissutigineqarput, immikkoortut sinneri allat attorneqassanngillat. Immikkoortup atorneqarnera ilusilersorneqarneralu nunatamut pissusia tamaani misigisassatut naleqartitap ataqqillugit suliarineqassaaq. Sanaartugaq aamma atortulersuutitut nunamut piummut tulluarneqassapput peqqissaartumillu inississorneqarlutik, sapinngisamik annerpaamik nunatamut pissusissamisoortutut ittutut pissuseqaqqullugit aamma isigisamut ataatsimoortumut erseqqinneruallaaqqunagit. Kommunimik isumaqatigiissuteqarneq naapertorlugu immikkoortup sukisaarsarfittut pitsanngorsarneranut atasumik qaartiterisoqarsinnaavoq imaluunniit immiisoqarsinnaavoq.

Taamaaliorluni immikkoortoq siunissamut nunatatut sukisaarsarfittut tatituutut oqimaaqatigiissutullu qulakkeerneqassaaq, tamaani pinngortitaq sammisaqarnermut, eqqissisimaarnermut pinngortitamiinnermillu misigisaqarnermut tunngaviliisuulluni.



Takussutissiaq 32 – Nunap ilusaata ersersinneqarnera, illut piusut qasertuupput taavalu peqatigiiffiit illui, kaffisomiartarfik majuartaat issiavittalik qernertumik qalipaateqarput. Nunap ilusaata ersersinneqarnera takussutissiaq 15 takuuk

ILLULIORTAASEQ

Kommunalbestyrelse Illuliortaatsimut Politikkimik akuersissuteqarnikuuvoq, tassani kommunimi ilaatigut nutaanik sanaartormermi naleqartinneqartut allassimallutik.

Naleqartitat ilagaat:

ILLULIORTAASEQ KINAASSUSEQALERSITSISOQ

- illut nutaat illoqannginnersallu oqaluttuarisaanitsinnik pisuunnguallatsitsinissamik tunngaveqassasut
- inoqarfiit pilersaarusiortfiginerat ineriartortitsiffignerallu inoqarfiit ilisarnaataannik aallaaveqassasut

ILLOQANNGINNERSAT ILLOQARFIMMILU INUUNEQ

- illoqarfitta nunaqarfittalu tamatigoortuulernissaat, pitsaasunik toqqissisimanartunillu kikkunnnulluunniit atuuttunik illoqannginnersaqarnissaat
- Illoqannginnersat atorluarneqanngitsut ajornanngippat atorneqarsinnaasunik periarfissarsiuunneqassasut taamaallutik uummarissarneqarlutik
- illoqannginnersat nutaat siunissami qanoq atorneqarnissaat pitsaassusissaallu siunniutereerlugit pilersinneqassasut
- illoqannginnersat pigisavut ukiut inuunermilu qanoq inissisimaffeqarneq apeqqutaatinnagit orniginarsarneqarsinnaassasut, illoqannginnersanilu inuit biilinit salliutinneqarnerullutik.

PIFFISSAQ SUMIIFFISSARLU

- Illut sanaartukkallu nutaat sumiiffiup pitsaassusiinik qaffassaasuussapput, piffissaq atuuttoq eqqumaffigineqassaaq, piffissarlu qaangiutereersoq siunissamilu pisussat ataqqineqarlutik.
- nunap ilusaa pioreersoq sumiiffimmilu silap pissusia aallaavigalugit pilersaarusiortoqassaaq, sanaartortoqarluni atortulersuisoqarlunilu.

NUNARSUARMİ ANGUNIAKKAT:

Pilersaarummi nunarsuarmi anguniakkat makku kalluarneqarput:



1.5 PILERSAARUSAIMUT ALLANUT TUNNGATILLUGU PISSUTSIT**1.5.1 NUNA TAMAKKERLUGU PILERSAARUSIORNEQ**

Illoqarfimmut pilersaarut nuna tamakkerlugu pilersaarusiortarnermut naapertuuppoq.

1.5.2 KOMMUNIMUT PILERSAARUT

Illoqarfimmut pilersaarut kommunimut pilersaarummut atuuttumut naapertuuppoq.

**1.5.3 QANGANITSAT ERIAGISASSAT IMAALIALLAANNARLUGIT
PEERNEQARSINNAANGITSUT**

Sumiiffimmi qanganitsanik eriagisassaqaqarnersoq Kommuneqarfik Sermersuumit ilisimaneqanngilaq. Sumiiffimmi nunami suliaqarneq Eqqissisimatitsisarneq aamma allatigut kulturikkut eriagisassanik kulturikkut kingornussatut illersuineq pillugu Inatsisartut Inatsisaat nr. 11, 19. maj 2010-meersoq naapertorlugu pissaaq.

1.5.4 AVATANGIISEQ

Assaanermi paasinarsippat immikkoortumi nuna mingutsitaasoq Kommuneqarfik Sermersooq erngertumik ilisimatinneqassaaq.

Eqqakkanik avatangiisimut navianaatilinnik suujunnaarsitsinerit, assersuutigalugu nuna uuliamik mingutsinneqarsimasooq, kommunimi eqqagassalerineq pillugu malittarisassat aamma suliaasaqarfik tamanna pillugu inatsisit naapertorlugit pissapput.

1.5.5 TEKNIKKUT PILERSUUTIT

Inissialiat nutaat pisortat innaallagissamut imermullu aqqaataannut aamma kuuffissuarnut attavilerneqassapput.

Innaallagissamik, imermik kissamillu pilersuinermut aqquutit aamma kuuffissuit nunap iluatigoortinneqassapput.

Immikkoortup ilaani pisortat teknikkkut atortulersuutaat, soorlu immikkoortup ilaanut pilersuinernut sakkortusaaviit imaarsaatillu inissinneqarsinnaapput. Inissiiinissaq Nukissiorfiup Kommuneqarfik Sermersuullu akornanni isumasioqatigiinnikkut pissaaq.

KIASSARNEQ

Immikkoortup kiassarneqarnissaa Nukissiorfinni malittarisassat malillugit pissaaq.

KUUFFILERSUINEQ

Inissialiat imikoq pillugu iliuusissatut pilersaarut naapertorlugu pisortat kuuffissuaataannut attavilerneqassapput.

Nunap qaavani imeq, tamatumunnga ilanngullugu imeq illup qaavanit kuuttoq kuuffissuartigoortinneqassanngilaq, kussinernulli kuutsinneqassalluni, taamaasilluni immikkoortumi sanaartukkanut allanut, pisuinnaat aqqaataannut, aqqusinernut sanaartorfiunngitsunullu akornusersuutaassanani.

EQQAAVILERINEQ/ANARTARFILERINEQ

Immikkoortoq Kommuneqarfik Sermersuumi eqqagassalerinermut aaqqiinermut malittarisassanut sukkulluunniit atuuttunut ilaatinneqarpoq.

1.5.6 PILERSAARUTINIK ATORUNNAARSITSINEQ

Matumani illoqarfiup ilaanut pilersaarutip 4D2-2-p akuerineqarneratigut aalajangersakkanik

1.5.7 ATUUTTUNIK ATORUNNAARSITSISOQANNGILAQ.TAMANUT SAQQUMMIUSSINEQ

Siunnersuut sapaatit akunnerini 6-ni tamanut tusarniaassutigineqassaaq, piffissami 10. septembarip 22. oktobarip 2025 tungaanut

1.6 PILERSAARUMMUT TAPILIUSSAP INATSISITIGUT ATUUFFII

1.6.1 INATSISITIGUT ATUUFFIUGALLARTUT

Illoqarfimmut pilersaarummut tapiliussassatut siunnersuutip tamanut saqqummiunneqareernerani nunaminertat, illut sanaartukkallu siunnersuummi pineqartut sanaartorfigineqassanngillat allatigulluunniit kommunimut pilersaarutip imaluunniit kommunimut pilersaarummut tapiliussap inaarutaasup imarisaanut sioqqutsisutut isikkoqarsinnaasumik iluaqutiginiarneqassanatik (Pilersaarusiornermut inatsit § 31).

Akerliliisinaanermut piffissaliussap naareernerani, piffissaagallartillugu akerliliissutinik tigusaqartoqarsimanngippat nunaminertap siunnersuummi pineqartup, siunnersuummut naapertuuttumik illuliorfigineqarnissaa imaluunniit allatigut iluaqutigineqarnissaa Kommunalbestyrelsip akuerisinnaavaa (Pilersaarusiornermut inatsit § 31 imm. 2).

Inatsisitigut sunniutaagallartut illoqarfiup ilaanut pilersaarummut siunnersuutip tamanut nalunaarutigineqarnissaata tungaanut atuutissapput - taamaattorli siunnersuutip saqqummiunneraniit sivilunerpaamik ukioq ataaseq. (Pilersaarusiortarnermut inatsimmi § 31 imm 3).

1.6.2 INATSISITIGUT INAARUTAASUMIK ATUUTILERSINNEQARNERA

Kommunimut pilersaarutip piviusunngortinneqarnissaanut Kommunalbestyrelse suliniuteqassaaq, tassunga ilanngullugu nunaminertanik atugassiinerit. (Pilersaarusiornermut inatsit § 29).

Illoqarfiup ilaanut pilersaarut inaarutaasoq tamanut nalunaarutigineqareerpat pilersaarummi aalajangersakkanik unioqqutitsisunik pissusiviusunilluunniit pilersitsisoqarsinnaanngilaq. (Pilersaarusiornermut inatsit § 30).

Pisulli ilaanni aalajangersakkanit sukumiisunit nikingasoornerit illoqarfimmut pilersaarummi aalajangersakkat sukumiisunit annikinnerusunut immikkut ittumik akuersissuteqartoqarsinnaasarpog. Nikingasoornerit pingaarnerit aamma aalajangersakkanit pingaarnerit nikingasoornerit pissutigalugit nutaamik kommunimut pilersaarummut tapiliussaliortoqassaaq. (Pilersaarusiornermut inatsit § 50).

Aalajangersakkat malillugit nunaminertanik, illunik atortunillu atuneq ingerlaannarsinnaavoq, akerlianilli assersuutigalugu atunerup allanngortinneqarnera nutaamilluunniit sanaartorneq illoqarfiup ilaanut pilersaarummik unioqqutitsissanngillat.

Illoqarfiup ilaanut pilersaarut imminermini imaanngilaq pilersaarummiittunik, nunaminertat, illut atortullu, pilersitsisoqarnissaanik nassataqartoq.

2. AALAJANGERSAKKAT

Kommunalbestyrelsip makku aalajangersakkat *"Pilersaarusiorneq aamma nunaminertat atorneqartarnerat pillugit Inatsisartut inatsisissaannik nalunaarutaat nr. 4, 25. januar 2024-meersoq (Pilersaarusiornermut inatsit)"* malillugu aalajangersarneqarput.

Aalajangersakkat § 20 aalajangersakkanut pingaarnernut aamma § 22 aalajangersakkanut sukumiisunut avitaapput.

Aalajangersakkat tamarmik inatsisitigut pituttuisuupput, taamaattorli pissutsini immikkut ittuni, sumiiffimmut pilersaarummi aalajangersakkanit sukumiisunit immikkut akuersissummik tunniussisoqarsinnaavoq. Pingaarnertut aalajangersakkat pilersaarummi tunngavigineqarput, taamaattumillu aalajangersakkanit taakkunannga immikkut ittumik akuersissuteqartoqarsinnaanani.

§ 20. PINGAARNERTUT AALAJANGERSAKKAT

Immikkoortumut pingaarnertut aalajangersakkat kommunip pilersaarutaanut atuuttutigut aalajangersagaapput

§ 22. NAJUKKAMI IMMIKKOORTUMUT AALAJANGERSAKKAT SUKUMIISUT

1. SANAARTUKKAP INISSISIMAFFIA

- imm.:1. Nutaamik sanaartukkat taamaallaat sanaartorfissani ilanngussaq 2-mi takutinneqartutut inissinneqarsinnaapput.
- imm.:2. Quassussuup qaavata eqqaani illuliornermut atasumik qaartiterisoqaqqusaanngilaq.
- imm.:3. Sanaartorfissani 3-mit 17-imut qatsissutsimi 98 aamma sanaartorfissani 18-imit 45-mut qatsissutsimi 94 qaartiterinerit aqutugalugit salliarnartanik pilersitsisoqarsinnaavoq aamma nunamik immiisoqarsinnaavoq. Tunngavissatut ilanngussaq 3-mi takutinneqartutut.

2. INISSIALIAP ISIKKUA

BEBYGGELSEN

- imm.:1. Sanaartorfissami 1-imi sanaartukkamut alliliinermut atasumik illup naqquanik pilersitsisoqarsinnaavoq
- imm.:2. Sanaartorfissaq 1-imi sanaartukkat portunerpaaffissamik 107,5 qaangiissanngillat.
- imm.:3. Sanaartorfissaq 2-mi sanaartukkat portunerpaaffissamik 108 qaangiissanngillat.

- imm.:4. Sanaartorfissaq 3-mit 16-imut sanaartukkat portunerpaaffissamik 102 qaangiissanngillat.
Sanaartorfissaq 17-imit 41-mut sanaartukkat portunerpaaffissamik 98 qaangiissanngillat.
- imm.:5. Sanaartorfissaq 42-mi sanaartukkat portunerpaaffissamik 107 qaangiissanngillat.
- imm.:6. Sanaartorfissaq 43-mi sanaartukkat portunerpaaffissamik 425 qaangiissanngillat.
- imm.:7. Sanaartorfissaq 44-mi sanaartukkat portunerpaaffissamik 426 qaangiissanngillat.
- imm.:8. Sanaartorfissaq 45-mi sanaartukkat portunerpaaffissamik 427 qaangiissanngillat.
- imm.:9. Sanaartorfissaq 1 majuartaatip allaffissornikkut kiffartuussinermullu illuata allilernissaanut periarfissatut atugassiissutigineqarpoq.
- imm.:10. Sanaartorfissaq 2 illumut piffissamik uuttortaaffimmut atugassiissutigineqarpoq.
- imm.:11. Sanaartorfissaq 3-mit 41-mut klubbit illuliornissaannut atugassiissutigineqarput.
- imm.:12. Sanaartorfissaq 42 aamma sanaartorfissaq 43 majuartaammik issiavittalimmik pilersitsinermut atugassiissutigineqarpoq.
- imm.:13. Sanaartorfissaq 44 kaffisorniarfimmik pilersitsinermut atugassiissutigineqarpoq.
- imm.:14. Sanaartorfissaq 45 shelterimik oqqisarfimmik pilersitsinermut atugassiissutigineqarpoq.
- imm.:15. Quassussuaq akimorlugu sanaartukkat qooqqumit portunerit, takuuk ilanngussaq 3, qaarsumut aalajangerneqarsimanngikkuni, toqqavia nunamut qinnilik atorlugu aalajangersimanngikkuni allatut nunamut toqqavilerlugu suliarineqarsimassaaq nunaannarmut minnerpaamik sunniuteqarsinnaanerit pinaveersaarniarlugu

ILLUT SAAVI

- imm.:16. Sanaartorfissami 3-mit 41-mut sanaartukkat qisummik qalligaassapput.
- imm.:17. Illut ataasiakkaat qalipaatinik pingasunit amerlanerusunik qalipanneqassanngillat. Tassunga ilanngullugit igalaanut matunullu, sinarsuanut il.il. qalipaati.
- imm.:18. Illut saavisa qillissuseq 40 qaangissanngilaat.

QALIAT

- imm.:19. Illut qaavi inngianartitsissanatillu qinngortitsisassanngillat. Qillarissusia 20 sinnissanngilaa.

- imm.:20. Qaliat minnerpaamik 7° sivingassuseqassapput annerpaamik 40° sivingassuseqassallutik, qaliattu sivingarngi assigiissuullutik. Sanaartorfissani 3-41-ni illup qaliata qimerluata illup saava malillugu sanaartorneqassaaq. Tamakkunani pineqanngillat aneerasaartarfiit assigisaallu atortussiat allat atorlugit uinganeqanngitsunillu sananeqarsinnaasut.

ANEERASAARTARFIIT

- imm.:21. Sanaartorfissaq 1-ip iluani 300 m²-it tungaanut aneerasaartarfiliisoqarsinnaavoq.
- imm.:22. Peqatigiiffiit illuinik sanaartornermut atasumik aneerasaartarfiit illumut attuumassuteqarfigisaminnit 1 meteri tikillugu ungasissuseqartillugit suliarineqarsinnaapput.
- imm.:23. Sanaartorfissaq 48-p iluani sanaartukkanut atasumik aneerasaartarfimmik illumit 3 meterinik ungasitsigisumik sanaartortoqarsinnaavoq.

IGALAAAT MATULLU

- imm.:24. Inunnik najuuffiusartumik tamanit ornigarneqartartumit inuussutissarsiuteqarnermi, aqquuserngup nalaani illup saavi minnerpaamik 30%-i igalaaqassapput.
- imm.:25. Sammisanut sullitanut tunngassuteqartut isaariaat, soorlu pisiniarfiit/pisianik tunioraavit aamma allaffeqarfiit inini allerni inissinneqassapput.

ELEVATORIT, TUMMEQQAT AAMMA MAJORALLAFFIIT

- imm.:26. Peqatigiiffiit illuinik sanaartornermut atasumik aneerasaartarfiit nunaannarmut aqquutissamik ataatsimoorussamik tummeraqassapput.

SILAANNARISSAATIT

- imm.:27. Silaannarissartarfiit aqqusinernit aqqusineeqqanilluunniit tamanit ingerlaffigineqartartunit takuneqarsinnaassanngillat.
- imm.:28. Silaannarissarfiit tekniikkikkullu atortut illup titartarneqarneranut naleqqussarlugit ikkussuunneqassapput.

ALLAGARTARSUIT

- imm.:29. Allagartarsuit qaammaqqusersugaassanngillat allatulluunniit avatangiisinut akornutaassanatik.
- imm.:30. Illuni ataasiakkaani taamaallaat allagartarsualiisoqarsinnaavoq tassuuna suliffeqarfik imaluunniit peqatigiiffik illumik piginnittup aqqa aamma atuuffia ilisimatitsissutigineqassapput.

3. AQQUUSERNGIT AQQUSSINEEQQALLU

imm.:1.	Aqquserngit aqqusineeqqallu ilanngussaq 3-misut tunngaviumik takussutissaliarinqarsimasutut suliarineqassapput.
imm.:2.	Kommunip ilitsersuutaa naapertorlugu aqquserngit suliarineqassapput.
imm.:3.	Aqquserngit aqqusineeqqallu qullilersorsimanissaat qulakkeerneqassaaq.
imm.:4.	Aqqusineeqqat minnerpaamik 2 meterinik silissusilerlugit pilersinneqassapput. Aqqusineeqqat ujaraaqqanik flisinilluunniit qallerneqassapput imaluunniit qisunnik ikaartarfiusatut suliarineqassapput. Eqalugalissuit Tasiat kaajallallugu pisuttuarterfinnik pilersitsinerni pisuttuarterfik nunaannarmit qutsinnerussanngilaq aamma tummeraqassanngilaq.
imm.:5.	Ilanngussaq 2-mi takutinneqartutut biilnut inissiivit 125-t asfaltilersorlugu pilersinneqassaaq. Biilnut inissiisarfiit 3 meterinik silissusilerlugit suliarineqassapput.
imm.:6.	Naammattumik cykelinut inissiiviliortoqassaaq.
4. NUNAMINERTAT SANAARTORFIGEQQUSAANNGITSUT SUNNGIFFIMMILU ATORTULERSUUTIT	
imm.:1.	Nunamik immiisoqarsinnaavoq aamma sunngiffimmi sukisaarsarfiit atortulersuutaanik pilersitsisoqarsinnaavoq, ilanngussaq 3-mi immikkoortut sanaartorfissatut atugassiissutigineqartut naapertorlugit.
imm.:2.	Silaannakkut angallannermut akornutaanngitsunik sunngiffimmi atortussanik sanaartukkanik qullilersuisoqarsinnaavoq.
imm.:3.	Peqatigiiffiit illuisa silataanni illut allat akorni sunngiffimmi atortulersuutitut grillerinissamut, nerrivinnut issiaartarfinnut assigisaannullu inissalerlugit atugassiissutigineqassapput.
5. TEKNIKKIKKUT ATORTULERSUUTIT	
imm.:1.	Sanaartukkat nutaat pisortat innaallagissamut, imermut, kuuffissuarnut aamma kiassarnermik pilersuutaannut attavilerneqassapput.
imm.:2.	Innaallagissamik, imermik, kuuffissuarnik kiassarnermillu pilersuinnermut aqquutit ikaartarfiit aqqusineeqqallu ataatigoortinneqassapput. Periarfissaanngippat pilersuinnerit allatigut, nuisannginniassammata, matoorneqassapput.
imm.:3.	Immikkoortup iluani teknikkikkut atortulersuutit soorlu transformerstationit, imaarsaatit Kommuneqarfik Sermersooq aamma Nukissiorfiit isumasioqatigalugit inissinneqassapput.
6. NUNAMINERTAT SANAARTORFIGINEQANNGITSUT	


imm.:1.	Sumiiffiit sanaartornissamut attaveqaasersuutinullu atugassanngortinneqanngitsut aamma imm. 4.1-mi ilaatinneqanngitsut sanaartorfigineqassanngillat aamma pissutsimittut isikkoqartinneqassapput.
imm.:2.	Nunaminertat sanaartorfigineqanngitsut sivisunerusumik inissiivittut atorneqassanngillat. Sivisunerusumik inissiiviit atuuttut tassaapput qaammat 1 sinnerlugu sivisussusillit.
imm.:3.	Sukisaarsarfittut atugassaq isumannaallisarniarlugu Kommuneqarfik Sermersooq isumaqatigiissuteqarfigalugu qaartiterisoqarsinnaavoq imaluunniit nunamik immiisoqarsinnaavoq.
7. ERIAGINNINNEQ	
imm.:1.	-
8. PINNGORTITAMIK ILLERSUINISSAMIK SOQUTIGISAT	
imm.:1.	Egalugalissuit Tasiata immerneqarsinnaanera § 4 imm. innersuussutigineqartup saniatigut periarfissaanngilaq.
9. NUNALERALUNI NUNAMIK ATUINISSAMIK SOQUTIGININNERIT	
Immikkut ittunik aalajangersagaqanngilaq.	
10. ATAATSIMUT ATORTULERSUUTIT	
imm.:1.	-
11. PIGINNITTUT PEQATIGIIFII	
imm.:1.	-
12. AVATANGIISIMIK MINGUTSITSINERMI KILLISSARITITAASUT	
imm.:1.	-
13. ILLUT NUKISSIUUTINIK ATAARTUNIK ATUIFFIUSUT	
imm.:1.	-
14. SANAARTORFISSAT PIUMASAQAATEQARFIUSUT	
imm.:1.	-
15. SUMIIFFIIT NALORNINAATEQARSINNAASUT	
imm.:1.	-
16. ATTANNEQARSINNAASUMIK INERIARTORTITSINERMUT PIUMASAQAATIT	

imm.:1. -
17. ATUILERNISSAMUT PIUMASAQAATIT
imm.:1. -

3. AKUERSISSUTEQARNERMI ATSIORNERIT

Matumuuna illoqarfimmut pilersaarut 4D2-2 Quassussuarmi sisorariartarfik pillugu siunnersuut maanna Kommuneqarfik Sermersuumi Aningaasaqarnermut Inuussutissarsiornermullu Ataatsimiititamit akuersissutigineqarpoq ulloq 22. aggustip 2025 aamma sapaatit akunnerini 6-ni tusarniaassutigineqassaaq.


Kommuneqarfik Sermersooq ulloq 2. septembarip 2025



Avaaraq Olsen

Borgmesteri


//



Ole Jakobsen

Kommunaldirektøri

Siunnersuutitut tamanut saqqummiunneqarpoq, ulloq 10. septembarip 2025



KOMMUNEQARFIK SERMERSOOQ

Sanarfinermut Avatangiisinullu Ingerlatsivik
Forvaltning for Anlæg og Miljø

Illoqarfimmut Pilersaarut 4D2 //
Lokalplan 4D2

**ILISARNARATINUT NASSUIAATIT //
SIGNATURFORKLARING**

-  Immikkoortuni aggulunerit //
Delområdeinddeling
-  Immikkoortup ilaa 4D2 //
Delområde 4D2


-  Illut pioreersut // Eksisterende
bygning
-  Aqqusineq // Vej

ILANNGUSSAQ 1 // BILAG 1

**IMMIKKOORTOQ 4D2 //
DELOMRÅDE 4D2**

Aggusti 2025 //
August 2025

Uutuut 1:10.000 // Skala 1:10.000
A4



KOMMUNEQARFIK SERMERSOOQ

Sanarfinermut Avatangiisinullu Ingerlatsivik
Forvaltning for Anlæg og Miljø

Illoqarfimmut Pilersaarut 4D2 //
Lokalplan 4D2

**ILISARNARATINUT NASSUIAATIT //
SIGNATURFORKLARING**

- Immikkoorturni aggulunnerit //
Delområdeinddeling
- Immikkoortup ilaa 4D2 //
Delområde 4D2
- Illut pioresut // Eksisterende
bygning
- Aqqusineq // Vej
- Sanaatorfissat normua //
Byggefeltnr.


- B-2176-ip isaterneqarneranut
atatillugu B-3113-mut
alleriafissanut periarfissat //
Udvidelsesmulighed for B-3113
ved sanering af B-2176
- Aqqusineeraq // Sti
- Bussip unittarfiaratarsinnaasoq //
Potentielt busstoppested
- Biilinut inissiisarfik //
Parkeringsplads

ILANNGUSSAQ 2-A // BILAG 2-A

**IMMIKKOORTOQ 4D2 //
DELOMRÅDE 4D2**

Aggusti 2025 //
August 2025

Uutuut 1:1.500 // Skala 1:1.500
A4



KOMMUNEQARFIK SERMERSOOQ

Sanarfinermut Avatangiisinullu Ingerlatsivik
Forvaltning for Anlæg og Miljø

Illoqarfimmut Pilersaarut 4D2 //
Lokalplan 4D2

**ILISARNARATINUT NASSUIAATIT //
SIGNATURFORKLARING**

 Immikkoortup ilaa 4D2 //
Delområde 4D2

 Sanaatorfissat normua //
Byggefelnr.

 Quassussuarmi qooroq // Dal på
Quassussuaq


Detaljeret parkering bred

ILANNGUSSAQ 2-B // BILAG 2-B

**IMMIKKOORTOQ 4D2 //
DELOMRÅDE 4D2**

Aggusti 2025 //
August 2025

Uutuut 1:2.000 // Skala 1:2.000
A4



KOMMUNEQARFIK SERMERSOOQ

Sanarfinermut Avatangiisinullu Ingerlatsivik
Forvaltning for Anlæg og Miljø

Illoqarfimmut Pilersaarut 4D2 //
Lokalplan 4D2

**ILISARNARATINUT NASSUIAATIT //
SIGNATURFORKLARING**

- Immikkoorturni aggulunnerit //
Delområdeinddeling
- Immikkoortup ilaa 4D2 //
Delområde 4D2
- Illu // Bygning
- Aqqusineq // Vej


- Qutsissuseq immap qaaniit
uuttorlugo // Plateaukote
- Nunniorneq, sunngiffimmi
sammissassaq // Opfyld,
fritidsanlæg
- Aqqusineeraq nutaaq // Ny sti

ILANNGUSSAQ 3-A // BILAG 3-A

**IMMIKKOORTOQ 4D2 //
DELOMRÅDE 4D2**

Aggusti 2025 //
August2025

Uutuut 1:3.000 // Skala 1:3.000
A4



KOMMUNEQARFIK SERMERSOOQ

Sanarfinermut Avatangiisinullu Ingerlatsivik
Forvaltning for Anlæg og Miljø

Illoqarfimmut Pilersaarut 4D2 //
Lokalplan 4D2

**ILISARNARATINUT NASSUIAATIT //
SIGNATURFORKLARING**

-  Immikkoorturni aggulunnerit //
Delområdeinddeling
-  Immikkoortup ilaa 4D2 //
Delområde 4D2

-  Illu // Bygning
-  Quassussuarmi qooroq // Dal på
Quassussuaq

ILANNGUSSAQ 3-B // BILAG 3-B

**IMMIKKOORTOQ 4D2 //
DELOMRÅDE 4D2**

Aggusti 2025 //
August2025
Uutuut 1:7.000 // Skala 1:7.000
A4